

**NAŠA
STRANKA**

Politička organizacija građana „Naša stranka“
Općinski odbor Velika Kladuša
Adresa: Huske Miljkovića
E-mail: info@kladusajenasa.org

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinsko vijeće Velika Kladuša
n/r predsjedavajući

PREDMET: VIJEĆNIČKO PITANJE

Poštovani,

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da postavlja vijećnička pitanja koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, Općinskom načelniku i nadležnim službama upućujem sljedeće vijećničko pitanje:

„Kako je došlo do blokade Kozaračke ulice i koji su dalji postupci u rješavanja navedene blokade, te da li Opština Velika Kladuša ima namjeru provođenja postupka utvrđivanja javnog interesa i eksproprijacije navedenog zemljišta u korist ponovne izgradnje saobraćajnice i rješavanja ovog pitanja?“

O B R A Z L O Ž E N J E:

Poznato je da je od aprila 2024. god. izvršena blokada Kozaračke ulice koja prolazi ispred kompleksa zgrada u kojima se nalazi veliki broj stanova i poslovnih prostora čime je onemogućen pristup građanima i javnim službama iz ulice Ibre Miljkovića Uče. Prema saznanjima kojima raspolažu građani do blokade je došlo nakon što je od strane Službe za prostorno uređenje, imovinsko-pravne i geodetske poslove izvršeno ukidanje državnog vlasništva na parceli koja u naravi predstavlja ulicu sastavljenu od kolovozne trake i trotoara, te vraćanja navedenog zemljišta fizičkom licu kao ranijem vlasniku, iako se isti 2006. godine odrekao navedenog zemljišta u korist državne svojine.

Tražimo da na ovo vijećničko pitanje dostavi odgovor kako je moguće da ulici koja je privedena svrsi, u cjelosti izgrađena sredstvima Općine Velika Kladuša, godinama se koristila kao saobraćajnica, dođe do ukidanja takvog statusa i njenog vraćanja fizičkom licu, te uništavanja putne komunikacije što je dovelo do onemogućavanja pristupa kompleksu zgrada.

Da li Općina Velika Kladuša ima namjeru provođenja postupka utvrđivanja javnog interesa i eksproprijacije navedenog zemljišta u korist ponovne izgradnje saobraćajnice i rješavanja ovog pitanja?

S obzirom na kompleksnost pitanja molimo da nam odgovor dostavite pismenim putem, te da se usmeni odgovor u interesu javnosti pripremi za sljedeću sjednicu Općinskog vijeća.

Klub vijećnika Naše stranke
Velika Kladuša 30.12.2024